



বাংলাদেশ দৃতাবাস  
ব্যাংকক

প্রেস বিজ্ঞপ্তি

নং: ১৪৫

ব্যাংককে ই-পাসপোর্ট কার্যক্রমের উদ্বোধন

ব্যাংকক, ২৪ মার্চ ২০২২

২৪ মার্চ ২০২২, বৃহস্পতিবার, বাংলাদেশ দৃতাবাস, ব্যাংককে আনুষ্ঠানিকভাবে ই-পাসপোর্ট কার্যক্রমের উদ্বোধন করা হয়েছে। ফলে এখন প্রবাসীরা ঘরে বসেই আবেদন করে সহজেই ই-পাসপোর্ট হাতে পাবেন। ১৫তম মিশন হিসেবে ব্যাংককে ই-পাসপোর্ট সেবা চালু করা হলো। যা পর্যায়ক্রমে অন্যান্য মিশনেও চালু হবে। দুটি মোবাইল এন্রেলমেন্ট ইউনিট সংযুক্ত করায় কষেডিয়ায় অবস্থিত প্রবাসী নাগরিকগণ ই-পাসপোর্ট সুবিধা গ্রহণ করতে সক্ষম হবেন।

দূতালয় প্রাঙ্গনে স্বাস্থ্যবিধি মেনে এই কার্যক্রমের উদ্বোধন করেন স্বরাষ্ট্র মন্ত্রণালয়ের সুরক্ষা সেবা বিভাগের সচিব জনাব মোঃ মোকাবির হোসেন ও মান্যবর রাষ্ট্রদূত জনাব মোঃ আব্দুল হাই। এসময় দৃতাবাসের মিনিস্টার কনসুলার জনাব আহমদ তারেক সুমীন, ই-পাসপোর্ট এবং স্বয়ংক্রিয় বর্ডার কন্ট্রোল ব্যবস্থাপনা প্রবর্তন প্রকল্পের অতিরিক্ত প্রকল্প পরিচালক জনাব কর্নেল শাহরিয়ার কবির, ইমিগ্রেশন ও পাসপোর্ট অধিদপ্তরের উত্তর্বতন কর্মকর্তা বৃন্দ, দৃতাবাসে আগত সেবা প্রার্থী ছাড়াও দৃতাবাসের কর্মকর্তা ও কর্মচারীবৃন্দ উপস্থিত ছিলেন।

অনুষ্ঠানে প্রধান অতিথির বক্তব্যে স্বরাষ্ট্র মন্ত্রণালয়ের সুরক্ষা সেবা বিভাগের সচিব জনাব মোঃ মোকাবির হোসেন পূর্বে প্রচলিত হাতে লেখা এবং মেশিন রিডেবল পাসপোর্টের কিছু সীমাবদ্ধতা তুলে ধরেন। তিনি বলেন, নতুন ই-পাসপোর্ট বিশের সর্বাধুনিক প্রযুক্তি সম্বলিত হওয়ায় ই-পাসপোর্ট বাহকের ভ্রমণকে স্বাচ্ছন্দ্যপূর্ণ করতে সহায় হবে। যার ফলে বহির্বিশে এই পাসপোর্টের মর্যাদা বৃদ্ধি পাবে।

অনুষ্ঠানে মান্যবর রাষ্ট্রদূত বলেন, থাইল্যান্ডে প্রবাসী বাংলাদেশিদের ই-পাসপোর্টের দীর্ঘদিনের দাবি পূরণ হয়েছে। মাননীয় প্রধানমন্ত্রী শেখ হাসিনার দূরদর্শী রাজনৈতিক নেতৃত্বের ফলশ্রুতিতে দিন দিন সবার ঘরে ডিজিটাল সুবিধা পৌঁছে যাচ্ছে। ঘরে বসেই ই-পাসপোর্ট এর আবেদন করা যাবে। সহজেই পাসপোর্ট সংঘর্ষ করা সম্ভব হবে।

উদ্বোধনী অনুষ্ঠানে সচিব জনাব মোঃ মোকাবির হোসেন এবং মান্যবর রাষ্ট্রদূত জনাব মোঃ আব্দুল হাই কয়েকজন প্রবাসী বাংলাদেশি নাগরিকের হাতে ই-পাসপোর্ট এর এন্রেলমেন্ট স্লিপ হস্তান্তর করেন।

পরিশেষে মান্যবর রাষ্ট্রদূত উপস্থিত সুধীবৃন্দকে ধন্যবাদ জানিয়ে উক্ত অনুষ্ঠানের সমাপ্তি ঘোষণা করেন।

\*\*\*\*\*

